

Setswana

Kgato

5

Toro ya ga Phenyo



Yolisa Madolo



Toro ya ga Phenyo

Setswana

Kgato 5

ISBN: 978-1-77981-518-7

© 2023 Ulwazi Lwethu African Languages Literacy Project


Mokwadi: Yolisa Madolo

Moranolodi: Kedibone Tladi

Motshwantshi: Thulisani Zenda

Thadiso le setshwano: Rock Bottom Graphic & Design

Kgatiso ya ntha 2023.



Toro ya ga Phenyo



Yolisa Madolo

‘Fa ke gola, ke batla go nna mampodi wa bolotloa.’
Phenyo a bua a le esi fa a ne a tswa go bogela
motshameko wa bolotloa. O ne a tloatlola, a
ekisametlotlolo e a e boneng.



“Ka letsatsi lengwe le nna ke tlaa nna motshameki wa bolotloa,” a bolelela mmaagwe.

“Ke mang yo o tlaa dirang ditiro tsa gago fa wena o tshameka?”

E ne e le tiro ya gagwe go tlhatswa dijana le go feela ntlo fa mmaagwe a dira ditiro dingwe.



Phenyo o ne a aga a kopa batsadi ba ba gagwe go ya go bogela motshameko kwa sekolong ka Lamatlhatso., Batsadi ba gagwe ba ne ba sa mo letlelele. Phologo, abuti waga Phenyo, o ne a rata kgwele ya dinao. Batsadi ba gagwe ba ne ba sa mo thibele go ya go bogela motshameko.

Se, se ne se sa itumedise Phenygo gonne go ne go bonala gore botshelo ba basimanebo bonolo.

Tota le kwa sekolong, ke basetsana ba ba neng ba phepafatsa diphaphosi.

“Ke tla bona ke dirile eng gore batsadi ba me ba ntetlelele go tshamekabolotloa?”





Ka letsatsi le lengwefa Phenyo a ntse a tshameka kabolo, o ne a makadiwa ke lentswe.

“O na letalente, Phenyo. A o ka rata go nna mo setlhopeng sa bolotloa?” ga botsa Rre Pholo, mokatisi wa setlhopa sa bolotloa.

“Ke akanya gore re ka simolola setlhopa sa basetsana se se potlana se o ka se tshamekelang.”

Phenyo a boela kwa gae a itumetse. O ne a fela pelo go bolelela mmaagwe le rraagwe dikgang tse. Le gale o ne a itse gore ga ba kitla ba mo letla.

“Morutabana wa me a re ke tšile go nna motshameki wabolotloa,” a bua ka lentšwenyana ka nako ya dilalo.

“Motshamekoo le latlhelang bolo ka gotlhe?” Phologo, abuti wa gagwe, a mo sotla.

“O bua ka go tshameka, o tlaa fetsa leng go tlhatswa dijana?” mmaagwe angongorega.

Phenyo, a latlhegelwa ke tshepo yotlhe.

Bosigong joo, o ile a ya go robalaa tenegile gonne a itse gore ga a kitla a letlelelwa go tshameka motshameko wa gagwe o a o ratang.



Setlhopa sa bolotloa se ile sa bopiwa, Phenyoe ne e le mongwe wa batshameki.



Ka letsatsi le lengwe fa ba ne ba ikatisa kwa sekolong, Rre Pholo a lemoga fa Phenyo a sa itumela.

“Molato ke eng, Phenyo, a o a lwala?” a botsa ka tlhoafalo.

“Batsadi ba me ba akanyaa gore motshameko wa me ke tshenyo ya nako fela. Ga ba kitla ba ntetla go tshameka ka Lamatthatso,” a bua ka matlho a a geletseng dikeledi.

“Seo ga se itumedise gonne o na letalente. Le gale ke na le tshepo ya gore batsadi ba bago ba tlaa go letlelela fa ba ka go bona o tshameka mo lepatlelong,” ga rialo Rre Pholo.

“O se ke wa tshwenyga. Ke tlaa ba kwalela lekwalo go ba kopa gore ba go letlelele go tshameka.”

Mafoko ao a naya Phenyo tshepo. Ga a ka a tshameka ka bolo ya gagwe ya dipolasitiki fa a boa kwa sekolong.

Mo bekeng eo, Phenyo o ne a goroga gae fa morago ga nako gonne ba ne ba ipaakanyetsa letsatsi le legolo lamotshameko. Batsadi ba gagwe ba ne ba sa itse fa a ne a le mo setlhopeng sabolotloa.

Phenyo o ne a itumedisitse ke lekwalo le Rre Pholo a le kwaletseng batsadi ba gagwe go mo letlelela go tshameka.

O ne a fela pelo ya go goroga kwa gae go bontsha mmaagwe lekwalo. O ne a na le tshepo ya gore ga ba kitla ba moganela.





O ile a goroga kwa gae, a baa kgetsana ya gagwe fa fatshe mme a neela mmaagwe lekwalo.

Mmaagwe a buisa lekwalo a re, "Kana Phenyo re buile ka ga se. Ke mang yo o tlileng go thusa ka fa ntlong? Ga ke ise ke bone mosetsana o o botshwakga jaana."

"Mma, kana se ga se motshameko fela, kebolotloa. Morutabana a re ke na letalente."

Phenyo a felelwa ke tshepo. O ile a ya go dira ditiro tsa gagwe tsametlha jaaka gale, a ikemiseditse go se fetwe ke motshameko o mogolo o o latelang.

Batsadi ba ga Phenyo ba ile ba amogela memo ya kwa sekolong. Ba goroga fa kantorong ya mogokgo. Morutabana o ile a tsena fa batsadi ba ga Phenyo ba dula fa fatshe ba fetsa go bogela dikgele le dimedale ka fa kantorong.

Fa morutabana a fetsa go bua, rragwe Phenyo o ile a botsa are.”A o nagana gore mosetsana yo monnye jaana a ka tshameka fa dipapading tsa maemo?”

“O tlile go bona kae nako ya go dira ditiro tsa kwa gae? Re tlisitse Phenyo gore a tle go ithuta fa sekolong, eseng go tshameka.”Mmagwe Phenyo a bua a sa itumela.

“Phenyo o na le mpho. Ke nagana gore o tlile go le makatsa. Mo neeleng sebaka gore a le supe bokgoni ba gagwe.”Morena Pholo ga a ka a felelwa ke maiteko a gagwe a go fetola menagano ya batsadi ba ga Phenyo.

Le fa go le jalo, Phenyo o tlile go emela sekolo sa gagwe mo motshamekong ka La -Matlhatso.





Mo mesong ya letsatsi le le latelang, mmagwe Phenyo a re.” A re tsamayeng gore re se nne thari.”

“Re ya kae,mma?”ga botsa Phenyo a maketse. E ne e le ka La- Matlhatso, o ne a amogetse gore o tllile go fetwa ke dipapadi.

“Dira ka bonako, Phenyo!”rragwe a goeletsa.

“A ga o ye go tshameka papadi gompieno?”mmagwe a botsa.

Phenyo o ne a itumetse! O ne a batla go itshoba a netefatsa gore ga a lore.

Go ne go le monate ka fa gare ga senamelwa, ba opela dipina tsa boitumelo. Phenyo le yena o ne a itumetse.

Phenyo o ne a rata go bontsha batswadi ba gagwe bokgoni ba gagwe. E ne e le la ntlha ba tlile go mmona fa a tshameka.

O ne a tshameka sentle fela. O ne a ikemiseditse go gaisa matsatsi a mangwe.

O ne a le lebelo ka kgwele. Batho ba goa, ba opela:

Phenyo ke mogale!

Phenyo ke mogale!

Phenyo ke mogale!

“Ke mosetsana wa me” mmagwe o ne a bolelela botlhe.

Batswadi ba gagwe ba ne ba sa dumele se ba se bonang.

Nako le nako fa a bona batsadi ba gagwe ba eme ka dinao ba mo rotloetsa, o ne a ikutlwa a na le matla le go gaisa.





Fa morago ga papadi, setlhopa sa balatedi ba ile ba tsholetsa Phenyo kwa godimo ba itumetse.

O ile a emisa matsogo, a bobosela.

Balatedi ba ile ba siana fa lepatlelong ba opela dipina tsa phenyo.

Phenyo ke mogale!

Phenyo ke mogale!

Phenyo ke mogale!

Mogale, mogale!

Borradikgang ba ba neng ba tlile papading ba makadiwa ke metabogo ya ga Phenyo. O ile a bidiwa 'setshameki sa metlholo' ka gone e ne e le yo monnye fa go batshameki ba bangwe.

Batho ba ne ba maketse. O ne a itse gore o tlile go tlhopiwa ka fa setlhopeng sa maemo go ya go tshameka kwa Tshwane.

Phenyo ga a ka a bona leeto la go boela kwa gae ka fa a ne a itumelletse boitumelo ba ka fa baseng.

“Ga ka itse gore o ne o bua se fa o ne o re o tshameka kgwele ya diatla, mosetsana wa me,”ragwe a simolola kgang fa ba tsena kwa gae.



“Utlwa gore lekwalo le re re ya Tshwane. Re tla be re fofa ka sefofane!”ga rialo mmagwe Phenyo.

Phetogo, abuti wa Phenyo, o ne a itumelletse nnake Phenyo. Lelapa lotlhe le ne le bua ka ga metabogo ya ga Phenyo kwa lepatlelong.

Phenyo o ne a itumelletse go bona batsadi ba gagwe ba kgatliswa ke seo a se dirileng fa a ne a tshameka, e le seo a neng a se lakatsa.



Readers

Kgato 1

- Molelo
- Nna bonolo, Malebo
- Namune e e bonolo
- Sebati le segokgo
- Pako o a penta
- Esele
- Go bala meropa
- Pula ya semaka
- Lebo o a emaema
- Komelelo
- Yuna o gobetse
- Noga
- Lerato la Mogale le Morero
- Bana ba thusang
- Di ka fofa?
- Sopo e monate
- Yuna o a makala
- Basetsana ke Badisa
- Meriri e megolo
- Jobe ga a robale
- Rre o tla boa leng?
- Ba kwa polaseng
- Jase e Fetogile
- Lerato la Mawelana

Kgato 2

- Mosebetsi le manaane.
- A re bolokeng metsi
- Metsi ka mo le ka mo
- Monyanyi wa mathaithai
- Mosese wa Mebalabala
- Sebelane sa ga Tinyeko
- Go utlwelela dijo tsa setso
- Bula, tswala, tseweletsa
- Ditlhako tsa Rethabile
- Motshameki yo o kgethegileng
- Leseka la gauta
- Tsalatsala, mosetsana wa sengangabele
- Leano la ga Mmolotsi
- Bolo e timetse
- Dimpho
- Mmutla wa mathajana

Kgato 3

- Go gola ga Segwagwa
- Molemuriu Morwesi le dikgabo
- Monwedi le dithuthuntswana
- Monate wa motogo
- Molemo wa Phodiso
- Kwena e e kgopo
- Motswako o Molemo
- Moswana wa Mogale
- Morei wa ditlhapi
- Ga ke rate merogo!
- Dipoo di a itefeletsa
- Ke tse kgolo mo go nna!
- Mosetsana yo o bothhale
- Setlhako se sentle
- Mefuta ya Dinamelwa
- Basimane ba bothhale
- O a tlhobaela
- Bolwetse jwa Mofikela
- Botsalano jwa nnete
- Go fetoga

Kgato 4

- Dinotshe
- Phatso o itumetse!
- Ditsala ka dinako tsotlhe
- Molalatladi wa ga Lorato
- Mekgwa ya botshelo ba baVenda
- Mofikela wa diKolobe
- Keletso ya ga Maano e fetoga nnete
- Thapelo o tshwara legodu
- Gontse o tiisa mmele wa gagwe
- Rre wa rona, motlhatheledi wa diphologolo

Kgato 5

- Mae a Soso a a timetseng
- Mama Afrika, Mirriam Makeba
- Go thusa rremogolo go fola
- Peo ya dikgakgamatso
- Molemo o itse nako.
- Leeto go ya serapeng sa diphologolo
- Ditlhare tsa Afrika Borwa
- Toro ya ga Phenyo

ZENEX
FOUNDATION

MOLTENO
INSTITUTE FOR LANGUAGE AND LITERACY
EST. 1974



Ulwazi Lethu ke setheo se se simolotsweng le go tshegetswa ka madi ke Zenex Foundation go tokafatsa motseletsele wa dibuka o o kwadilweng go ya ka dikgato le ya boitapoloso mo babusing ba dipuo tsa seAforika mmogo le didiriswa tsa tshegetso ya morutabana. Motseletsele o, o kwaletse gore o rute le go tshegetsa barutwana ba Kgato ya motheo gore ba tokafatse puiso le tlhologanyo ya bona ya Puo ya gae. Dibuka tse tsa puiso, di thagelela ka diteme di le robongwe tsa seAforika, ka tirisano mmogo le Molteno Institute for Language and Literacies, Nelson Mandela Institute, Room to Read South Africa, le Saide. Didiriswa tsotlhe di tsweliswa jaaka "Open Education Resources" (OER).

Please visit our website to download the full copy of this reader:
ulwazilwethu.org.za



Creative Commons Attribution-
NonCommercial-NoDerivatives
(CC BY-NC-ND) 4.0
International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.



ISSN: 978-3-77981-018-7

9 781779 815187